

新學
舟

PDG

1204.3

1

資治通鑑卷第二百一十三

端明殿學士兼翰林侍讀學士太中大夫提舉西京嵩山崇福宮上柱國河

內郡開國公食邑二千二百戶食實封玖伯戶賜紫金魚袋臣司馬光奉

勅編集

後學 天台 胡三省 音註

唐紀二十九

起柔兆攝提格盡昭陽作噩凡八年

玄宗至道大聖大明孝皇帝中之上

開元十四年春正月癸未更立契丹松漠王李邵固

爲廣化王奚饒樂王李魯蘇爲奉誠王契欺訖翻以

上從甥陳氏爲東華公主妻邵固從才用翻妻固細

翻下同考異曰

東華出降實錄在三
月壬子於此終言之
以成安公主之女韋氏為東光

公主成安公主中宗之女下嫁韋捷妻魯蘇張說奏今之五禮貞

觀顯慶兩曾修纂說讀曰悅前後頗有不同其中或

未折衷也若折斷其物與度相中當也望與學士

等討論古今刪改施行制從之邕州封陵獠梁大

海等據賓橫州反封陵本山峒唐世以漸開拓乾元

鬱林郡梁置領方郡隋廢郡為縣屬鬱州唐初屬南

方州貞觀五年分置賓州橫州漢廣鬱高梁縣此江

左置寧浦郡隋廢郡為縣屬鬱州唐二月已酉遣內

侍楊思勗發兵討之考異曰舊紀作庚戌朔今從實錄上召河南尹崔隱甫欲用之中書令張說薄其無文奏擬金吾

大將軍前殿中監崔日知素與說善說薦爲御史大

夫上不從丙辰以日知爲左羽林大將軍丁巳以隱

甫爲御史大夫隱甫由是與說有隙說有才智而好

賄百官白事有不合者好面折之至於叱罵惡御史

中丞宇文融之爲人

好呼到翻折之舌翻惡烏路翻

且患其權重

融旣居風憲之地又貳戶部故患其權重

融所建白多抑之中書舍人張

九齡言於說曰宇文融承恩用事辯給多權數不可

不備說曰鼠輩何能爲夏四月壬子隱甫融及御史

中丞李林甫共奏彈說引術士占星徇私僭侈受納

賄賂

彈徒丹翻賄呼罪翻

敕源乾曜及刑部尚書韋抗大理少

卿明珪與隱甫等同於御史臺鞠之林甫叔良之曾

孫長平王叔良抗安石之從父兄子也韋安石歷事

死於開元之初從才用翻丁巳以戶部侍郎李元紘為中書侍

郎同平章事元紘以清儉著故上用為相源乾曜

等鞠張說事頗有狀上使高力士視說力士還奏說

蓬首垢面席藁食以瓦器惶懼待罪上意憐之力士

因言說有功於國上以為然庚申但罷說中書令餘

如故說讀為悅丁卯太子太傅岐王範薨贈謚惠文太

子上為之撤膳累旬偽翻百官上表固請上時然後

復常丁亥太原尹張孝嵩奏有李子嶠者自稱皇

子云生於潞州母曰趙妃上命杖殺之 辛丑於定

恒莫易滄五州置軍以備突厥定州置北平軍恒州置唐

興軍易州置高陽軍滄州置橫海軍恒戶登翻上欲以武惠妃爲皇后或

上言武氏乃不戴天之讎豈可以爲國母人閒盛言

張說欲取立后之功更圖入相之計上時掌翻且太

子非惠妃所生惠妃復自有子若登宸極太子必危

上乃止復扶又翻考異曰唐會要云侍御史潘好

記曰父母之讎不可共戴天公羊傳曰子不復父讎

下豈得欲以武氏爲國母當何以見天下之人乎不

亦取笑於天下乎又惠妃再從叔三思再從父延秀

等並干紀亂常遞窺神器豺狼同穴梟獍共林直匹

夫匹婦欲結髮爲夫妻者尚相揀擇况陛下是累聖

之貴天子之尊平伏願詳察古今鑒戒成敗慎擇華
族之女必在禮義之家稱神祇之心允億兆之望又
見人間盛言尚書右丞相張說自被停知政事之後
每諂附惠妃欲取立后之功更圖入相之計伏願杜
之於將漸不可悔之於已成且太子本非惠妃所生
惠妃復自有子若惠妃一登宸極則儲位實恐不安
古人所以諫其漸者良爲是也昔商山四皓雖不食
漢庭之祿尚能輔翊太子况臣愚昧職忝憲府蘇冕
駁曰此表非潘好禮所作且好禮先天元年爲侍御
史開元十二年爲温州刺史致仕表是十四年獻而
云職忝憲府若題年恐錯則武惠妃先天元年始年
十四王皇且有寵未衰張說又未爲右丞相竟未知
此表是誰獻然宮中禮秩一如皇后五月癸卯戶
部奏今歲戶七百六萬九千五百六十五口四千一

百四十一萬九千七百一十二秋七月河南北大
水溺死者以千計溺奴狄翻八月丙午朔魏州言河溢

九月己丑以安西副大都護磧西節度使杜暹同平

章事

磧七迹翻
暹息廉翻

自王孝傑克復四鎮

復四鎮見二百
五卷武后長壽

元復於龜茲置安西都護府

復扶又翻龜
茲音丘慈

以唐兵三

萬戍之百姓苦其役爲都護者惟田楊名郭元振張

嵩及暹皆有善政爲人所稱

冬十月庚申上幸汝

州廣成湯

考異曰令狐峘代宗實錄云上以開元
十四年十月十三日生時立宗幸汝州之

溫湯有望氣者云宮中有天子氣立宗即日還宮是
夜代宗降誕按立宗實錄此月十六日庚申始幸溫

湯己巳乃還宮與代宗實錄不同舊紀云十二月十
三日生舊后妃傳章敬皇后吳氏坐父事没入掖庭

開元二十三年立宗幸忠王邸見王服御蕭然傍無
媵侍命將軍高力士選掖庭宮人以賜之而吳后在

籍中明年生代宗皇帝十八年薨按代宗此年生而
云二十三年以吳后賜忠王十八年薨蓋謬以十三

年為二十三年也次柳氏舊聞肅宗在東宮為李林甫所構勢幾危者數矣無何須鬢斑白嘗早朝上見之愀然曰汝歸第吾當奉汝及上至顧見宮庭殿宇皆不洒掃而樂器塵埃左右使令無有妓女上為之動色使力士詔掖庭閱視得三人乃以賜太子而章敬吳皇后在選中生代宗按開元二十三年李林甫初為相二十五年廢太子瑛二十六年乃立肅宗為太子天寶五年李林甫始構韋堅之獄舊聞所記事皆虛誕年月不合新書后妃傳全取之今皆不取已

西還宮 十二月丁巳上幸壽安獵於方秀川壬戌

還宮 楊思勗討反獠獠音翻生擒梁大海等三千餘

人斬首二萬級而還還從宣翻是歲黑水靺鞨遣

使入見黑水靺鞨在流鬼國西南女真即其遺種也靺鞨音末曷見賢遍翻上以其國

為黑水州仍為置長史以鎮之長史恐當作長渤海吏仍為于偽翻

靺鞨王武藝曰黑水入唐道由我境往者請吐屯於

突厥

突厥置吐屯以領諸附從之國厥九勿翻

先告我與我偕行今不告

我而請吏於唐是必與唐合謀欲腹背攻我也遣其

母弟門藝與其舅任雅將兵擊黑水

將即亮翻下同

門藝

爲質子於唐

質音致

諫曰黑水請吏於唐而我以其故

擊之是叛唐也唐大國也昔高麗全盛之時彊兵三十

餘萬不遵唐命掃地無遺

掃地無遺言國亡無遺育也事見太宗高宗紀麗力

知況我兵不及高麗什之一二一旦與唐爲怨此亡

國之勢也武藝不從彊遣之

彊其兩翻

門藝至境上復以

書力諫武藝怒遣其從兄大壹夏代之將兵召欲殺

之門藝奔衆閒道來奔

復扶又翻夏戶雅翻從才用翻閒古覓翻

制以爲

左驍衛將軍武藝遣使上表罪狀門藝請殺之

驍堅堯翻

使疏吏翻上時掌翻

上密遣門藝詣安西留其使者別遣報去

已流門藝於嶺南武藝知之上表稱大國當示人以

信豈得爲此欺誑

誑居况翻

固請殺門藝上以鴻臚少卿

李道邃源復不能督察官屬致有漏泄皆坐左遷

唐九

寺皆有少卿二人鴻臚掌四夷之客故以漏泄爲罪臚陵如翻少始照翻

暫遣門藝詣嶺

南以報之

臣光曰王者所以服四夷威信而已門

藝以忠獲罪自歸天子天子當察其枉直賞門藝而

罰武藝爲政之體也縱不能討猶當正以門藝之無

罪告之今明皇威不能服武藝恩不能庇門藝顧效

小人爲欺誑之語以取困於小國乃罪鴻臚之漏泄

不亦可羞哉杜暹爲安西都護突騎施交河公主

遣牙官以馬千匹詣安西互市使者宣公主教暹息廉翻

騎奇寄翻使暹怒曰阿史那女交河公主阿史那懷道之女何得

宣教於我杖其使者留不遣馬經雪死盡突騎施可

汗蘇祿大怒發兵寇四鎮會暹入朝使疏吏翻朝直遙翻下同趙

頤貞代爲安西都護嬰城自守四鎮人畜儲積皆爲

蘇祿所掠畜許救翻安西僅存旣而蘇祿聞暹入相稍引

退相息亮翻尋遣使入貢

十五年春正月辛丑涼州都督王君奐破吐蕃於青

海之西

奐丑略翻吐從瞰入聲

初吐蕃自恃其彊致書用敵國

禮

事見二百一十卷二年

辭指悖慢

悖蒲內翻又蒲沒翻

上意常怒之返

自東封張說言於上曰吐蕃無禮誠宜誅夷但連兵

十餘年甘涼河鄯不勝其弊

鄯時戰翻又音善勝音升

雖師屢捷

所得不償所亡聞其悔過求和願聽其款服以紓邊

人上曰俟吾與王君奐議之說退謂源乾曜曰君奐

勇而無謀常思僥幸

僥堅堯翻

若二國和親何以爲功吾

言必不用矣及君奐入朝果請深入討之去冬吐蕃

大將悉諾邏寇大斗谷

將即亮翻邏郎佐翻

進攻甘州焚掠而

去君奭度其兵疲勒兵躡其後

度徒洛翻躡尼輒翻考異曰吐蕃傳云

君奭畏其鋒不敢出今從君奭傳

會大雪虜凍死者甚衆自積石軍

西歸

鄯州達化縣西有積石軍本靜邊鎮儀鳳二年爲軍東有黃沙戍

君奭先遣人

間道入虜境燒道旁草悉諾邏至大非川欲休士馬

而野草皆盡馬死過半君奭與秦州都督張景順追

之及於青海之西乘冰而度悉諾邏已去破其後軍

獲其輜重羊馬萬計而還

開古覓翻重直用翻考異曰君奭傳曰十六年冬

吐蕃大將悉諾邏帥衆入寇大斗谷又移攻甘州焚燒市里而去君奭襲其後敗之於青海之西據實

錄及吐蕃傳入寇在十四年冬此云十六年冬誤也君奭以功遷左羽林大將

軍拜其父壽爲少府監致仕上由是益事邊功初

洛陽人劉宗器上言請塞汜水舊汴口更於熒澤引

河入汴隋開皇四年分熒澤屬鄭州上時掌翻塞悉則翻下同汜

音祀汴擢宗器爲左衛率府曹曹率所至是新渠填

塞不通貶宗器爲循州安懷戍主命將作大匠范安

及發河南懷鄭汴滑衛三萬人疏舊渠旬日而畢

御史大夫崔隱甫中丞宇文融恐右丞相張說復用

數奏毀之各爲朋黨上惡之復扶又翻數所二月乙

巳制說致仕隱甫免官侍母融出爲魏州刺史乙

卯制諸州逃戶先經勸農使括定按比後復有逃來

者隨到準白丁例輸當年租庸有征役者先差使疏

復扶又翻下不
復同差初佳翻

夏五月癸酉上悉以諸子慶王潭

等領州牧刺史都督節度大使大都護經略使使疏

實不出外初太宗愛晉王晉王治平是不使出閣豫悉

武惠王武惠王自謂為相閣中宏議美愛讀烈學士猶羣

溫王重福上即位附苑城為十王宅朱雀街東第五

東附苑城為大宅分處十王十王謂慶忠棣鄂榮儀

是為十以居皇子宦官押之就夾城參起居自是不

復出閣雖開府置官屬及領藩鎮惟侍讀時入授書

歐陽脩曰唐王自餘王府官屬但歲時通名起居其

藩鎮官屬亦不通名及諸孫浸多又置百孫院太子

亦不居東宮常在乘輿所幸之別院

乘繩證翻

上命妃

嬪以下宮中育蠶欲使之知女功丁酉夏至賜貴近

絲人一綖杜佑曰唐令絲六兩爲屯絲五兩爲絢麻三斤爲綖未知絲綖輕重何如綖郎計翻

秋七月戊寅冀州河溢已卯禮部尚書許文憲公

蘇頲薨

頲他鼎翻

九月丙子吐蕃大將悉諾邏恭祿及

燭龍莽布支攻陷瓜州執刺史田元獻及河西節度使

王君奭之父進攻玉門軍

按王君奭之父壽昌府監致仕居鄉里玉門軍在肅州之西二百里宋昌肅州西門縣漢

罷玉門關屯徙其人於此故曰玉門縣石縱所虜僧

使歸涼州謂君奭曰將軍常以忠勇許國何不一戰

君奭登城西望而泣竟不敢出兵莽布支別攻常樂